



Ilitturnaqtut ilihimajakhatit haffumani qalagjuarnigut aanniarut (COVID-19)

Qalagjuarnigut COVID-19 aanniarutaujuq uvanngat qalagjuarniq. Inungnut qalagjuarningit ilingajut ilagivagaallu naittumik aanniarningit, aadjikkutaa qalangnigut.

Aanniaqarnahuginingit inungnut qalagjuarningit naittuuvlutik imaaluuniit akhuurnaqhuni ingattaumilaaqtut, imaatut:

- Kidjaumaniq
- Qalaktuqtut
- Anngajungnairniq

Aanniaqarnahuginingit takunnaqhivakhutik 14 nit ublunganit kahakhimannirumik aanniarninut.

Qalagjuarningit hiamilaaqtut uvanngat aanniaqhimajunut inungnut ukunanngat:

- Aniqhaaqtut nuvaa katangningit qalakturaangamik taggiuraangamiglu
- Qanittumut inungnut kahakhimajut, imaatut akturaangat algangnut kahakhimajut
- Kahakhimajangit aanniarutilingnit, taimaa kahangmijatit iijikkit, qingakkit qanivilluuniit uaqtinnagu algavit

Tahapkuat aanniarnit ilihimanngittut qanuq hiamilaaqtut paniqhirviit uvungaluuniit imakktut. Ihuaqpiagtumik hiamittailinahuarlugit aanniarningit pigiaqaqtutit:

- Qautamaat algatit uaqattarlugu irmiunmut imarmullu imaa 20 nit takilrainnaatigut;
- Kahaktailugu iijikkit, qingakkit qanivilluuniit, uaqhimaittillugit algavit;
- Kahaktakhaunngitatit inungnut aanniaqhimajut;
- Qalakturuvit taggiurlutit aingagut algaunngittukktut;
- Uuktuqhimmaarlugu timikkut qaglijuummiqtakhaunngittut qautamaat;
- Aanniaqhimaguvit aihimainnarlutit hiamittailijaami aanniarnivit ahinut; unalu





- Atuinnaarlutit munaqhiqarviunngittut kiinaqhiutit uuminngaluuniit kiinavit pulahimainnarlugu (haffuminngatit hanahimajut tamatkiqhimalugit pulahimainnarlugu qingat qanivillu angmaumajakhaunngittut, hukahimainnarlugu niaqurnut uvungaluuniit hiutingnut qiliqhimalugu) hapummigiami inuit unalu qaanganiittut haniraanit.

Nalunaitkutaq: Una Kanata Kavamarjuangit pilimmakhaqhimajut Qilanaarnigut Malikhimajakhaat maligautaanit *Avaliihimajukhaq Maligaaq*. Una maligaaq tukiqaqhuni munattiariangani tamainnut itirahuaqtut Kanatamut tingmiakkut, qarjukkut, nunakkulluuniit aihimainnaqtukhat 14 nit ublunganit hiamittailigiami Qalagjuarnigut COVID-19. Una 14-Ublunganit ikaarningit aullaqtittijuq itiruvit Kanatamut.

- Aullaqhimagaluaruvit anniaqarnahugiqanngitkaluaqtutit, pigiaqaqtutit avalinngaaqhimajukhaujutit (inmikkut-avaliinngaaqhimajukhaq).
- Aullaqhimagaluaruvit anniaqarniruvit, pigiaqaqtutit avalinngaaqhimajukhaujutit.

Naunaittariami haffumani qalagjuarnigut mikhaagut:

- 1-833-784-4397
- canada.ca/coronavirus
- phac.info.aspc@canada.ca